




天时暑热,食也都有胃口,哩个时候,不妨试下酸辣开胃泰式美食,包你食过返寻味!大家可能唔知,江南西有好多宝藏店铺都收埋埋喺D横街窄巷入面,今次,小编踩到江南西一带,搵到佢三间性价比超高泰式美食,钟意食泰式料理同椰子系甜品嘅你就咪走鸡啦!

洗颖樱/文 叶思玲/图

泰喜?有惊喜!

呢间泰喜,虽然店面唔大,但係入面嘅装潢就充满泰式风格!就係收埋埋喺江南西西路横街窄巷里面嘅宝藏店之一,俾你好多惊喜。凉拌生蚝基本上係每份必点,三十蚊就有六只,大只饱满,入口十分嫩滑,口感酸酸甜甜得嘅好爽口!冬阴功汤号称“世界三大名汤”之一,作为泰国菜嘅“国汤”选手,由柠檬叶、香茅、南姜等奇妙天然香料制成,酸辣鲜甜却又又不失平衡,边饮边出汗,海鲜让成碗汤充满鲜味!



如果讲全场最抵食,可能就係九层塔肉碎饭了,饭嘅分量够晒大份,饭上面铺满豆角粒,再加上两只流心蛋,捅破之后蛋液流晒出嚟,拌饭简直一流!中意椰子嘅朋友一定要点芒果椰冻,面头嘅芒果分量非常多,塞满晒个椰子口,加入炸成金黄色嘅椰蓉一起食,嫩滑嘅椰冻清新怡人,酥脆嘅椰蓉香浓郁,简直係1+1>2嘅美味搭配!

泰喜·地道泰味
地址:江南西紫龙大街11号101房
营业时间:周一至周日 11:30-21:00

江南西 泰式味道返寻味!

乜料?係泰料!

店名虽然好粤式,但係佢嘅出品绝对泰式!但唔单止好味又大份,而且价钱仲好亲民,因此吸引好多人去食。如果你去过泰国,你会发现无论係高档餐厅定係街头小贩,都唔会缺少芒果糯米饭嘅身影。泰式香芒糯米饭係呢度招牌之一,糯米饭上面淋上清甜嘅椰汁,再搭配上酸甜嘅当造芒果,一热一冻,一酸一甜,口感十分过瘾!



乜料·local泰式食堂
地址:江南中润汇大厦二楼
营业时间:周一至周日 11:30-15:00 16:00-20:00



用炭火烤到脆卜嘅香茅猪扒,大件夹抵食,猪扒入味口感酥脆,食落唔干唔柴,清爽酸甜,闷热天气会好开胃!Q弹米粉淋上老世用泰国当地嘅泰椒、蒜、青柠榨特调嘅泰式酸辣酱,低卡、低脂又开胃!龙眼冰加入左饱满香嘅龙眼肉,暑意亦都係不知不觉中消退。乜柠冰沙其实係柠檬薄荷冰沙,入口清爽解腻,建议尽快饮用,放得耐会有些少苦涩味。



菓家?椰子控!

讲起泰国夏日嘅甜品,椰子冻必须有姓名。如果你又咁啱椰子控,咁就要试下呢间椰子做主角嘅甜品店。店面又係细细间,但有两层,环境干净舒服,装潢都几小清新。店内招牌原只椰青冻,椰子选用上等泰国椰子,将椰肉打成浆,加入新鲜椰子水制作而成,冰弹肉嫩,嫩过鸡蛋。椰香雪糕、桃胶、椰丝同椰蓉铺面,再淋上椰奶,桃胶滑溜溜,满满胶原蛋白,清新好味又养颜!然后再挖一担椰皇冻食,香浓椰嘅椰奶冻同清甜嘅椰子冻瞬间融化喺口入面。



菓家·椰子主题甜品
地址:青浦大街86号
营业时间:周一至周日 13:00-21:30



想食冰嘅朋友可以点多份招牌椰子雪花冰,一层椰子脆片、一层芒果红豆、一层香甜椰子雪花冰,一羹落去,即时被厚实用料惊艳!椰子三兄弟就係椰子水、椰子肉同椰子冻嘅结合,表面睇好似好寡、有咩特别,但饮落口就知道,味道清得嘅又冰冰凉!



OHO COFFEE 质量潮流我都要

喺潮流展旁边,你可以见到日式庭院中有一间咖啡店,透露着忙里偷闲的隐世感。OHO诠释唔啱单系优质咖啡专业和创意,亦系结合趋势潮流嘅概念空间。店家介绍话,佢嘅豆单每个月都会更换一次,每期都会去发掘一啲辨识度高嘅新豆,通过研发和设计尽量做到在风味和品质上能够独树一帜,做到质量和潮流两者兼顾。7月,在OHO发行的第一期潮流月刊《CKOONNEWS》,里面分享咗时下最新最潮嘅资讯和单品信息,到店消费即可免费领取一份!



潮玩 @ 东山洋房

Xpool Space 无限泳池·潮玩展

展览一共有四个展厅,分别系 Be@brick、巴士光年、哆啦A梦、迪士尼四个主题,大厅仲有奥特曼、钢铁侠等藏品。每一个展区都有唔同嘅特色,而且一部分仲可以零距离接触,意思就系你完全可以揽住只哆啦A梦嚟拍照啊!主理人话“虽然有啲藏品比较珍贵,但我哋都想尽量回归到佢系一个玩具嘅本质,可以令睇睇嘅人真正体验到玩具嘅乐趣。”线上商城亦同步推出好多潮玩周边可供购买,除咗一楼不定期转换主题嘅展厅之外,二楼艺廊也会经常与不同嘅艺术家和潮流品牌合作举办展览,未来嘅无限可能性大家可以期待一下。



潮玩玩具 无限可能


小朋友玩玩具,会做选择,大朋友玩玩具,不爱做选择?其实也不是,只是爱好日积月累之后,数量点都会越来越多。咁点算?最近小编发现两家各有特色的“玩具店”,开头都是店主们的爱好,后来慢慢就有咗一家店,然后从独乐乐,变成众乐乐。这里面,可能就有跟你共同的青春回忆或者是同好呢!

实习生 陈晓彤/文、图

迪士尼公仔 @ high tea店

“呢度只有二十分之一”

推开木门,店内更系令人童心爆发!当记者问起店主关于玩具嘅话题,听店主如数家珍咁就知道佢有几爱锡啲宝贝了,店里嘅玩具都系佢从世界各地收集翻嚟嘅,大部分都系绝版,店里放嘅只系佢“后宫”嘅二十分之一!有种凡尔赛叫,公仔摆到无地埋?咁就开间店啦。店内有啲玩具嘅年份更系令人O晒嘴!比如这个麦当劳叔叔,店主就话系6、70年代了,连个盒都唔舍得拆。所以大家欣赏嘅时候亦都要注意唔好损坏。



沿住居民社区区入小巷,一个圆拱形嘅复古橱窗出现眼前,入面放满咗各种充满童年回忆嘅公仔:巴斯光年、米奇老鼠、唐老鸭、麦当劳叔叔、加菲猫……令人差啲以为自己误入卡通世界。

Hidden·咖啡中古店
营业时间:周一至周五 13:00-21:00 周六至周日 13:00-22:00
地址:广州市海珠区江南大道中后街9号

打破单纯嘅打卡!

店主除咗系店内展示中古玩具之外,为咗打卡嘅人有更多嘅享受,仲有个partner专门负责甜品和饮品嘅研发和设计。每一样出品都和玩具主题相结合,质量亦都严格把控,做到日日新鲜,令到顾客可以更加投入咁享受到玩具带俾人嘅快乐。

